



22, bd du Maréchal-Juin
31406 Toulouse cedex 9
05 82 60 02 80

Affaire suivie par :

Jérémie OBISPO

Directeur adjoint

jeremie.obispo@ofici-occitan.eu

09.88.04.01.44

N. Réf : 200617JO01



APÈL A CANDIDATURAS

Encargat/da de mission Ensenhament au dentre de l'Ofici public de la lenga occitana (antèna Tolosa)

Pòste de categoria A

L'Ofici public de la lenga occitana es un Gropament d'Interés Public compausat de las Regions Novèla-Aquitània e Occitania e tanben de l'Estat (Ministèri de l'Educacion nacionala e Ministèri de la Cultura). La sona mission es dobla : s'agís de definir e de botar en òbra la politica linguistica publica en favor de la lenga occitana sus dus territòris concernits. Aquesta politica pòrta notadament sus la transmission e l'usatge de l'occitan, en particular auprès de las joenas generacions. L'Ofici public de la lenga occitana, qu'a lo son siti sociu basat a Tolosa (Occitania), dispausa dempui lo 3 de seteme de 2018 d'una antèna en Novèla-Aquitània.

Atau recruta un/a encargat/da de mission Ensenhament a l'encòp per lo siti de Bordèu e per lo site de Tolosa. Le present apèl candidatura concernís lo pòste de cargat.ada de mission per lo siti de Tolosa.

Quadre d'emplèc:

- Agent de categoria A, titulari de la foncion publica d'Estat mes a dispausicion per lo ministèri de l'Educacion nacionala (o tot aute ministèri), segon lo decret n°2013-292 deu 5 d'abriu de 2013 relatiu au regime de dreit public aplicable aus personaus deus gropaments d'interés public,

o

- Agent de catégorie A, titulari de la foncion publica territoriala mes a dispausicion o destacat, segon lo decret n°2013-292 deu 5 d'abriu de 2013 relatiu au regime de dreit public aplicable aus personaus deus gropaments d'interés public,

ou

- Agent de categoria A, jos contracte a durada determinada d'una durada d'un an, renouvelable e CDIsable (sos condicions), conformament au decret n°2013-292 deu 5 d'abriu de de 2013 relatiu au regime de dreit public aplicable aus personaus deus gropaments d'interès public. Nivèu de remuneracion equivalent a un agent de categoria A titulari de la foncion publica (forqueta de remuneracion : entre de 1 800€ e 2 200€ net, en foncion de las competéncias e de l'experiéncia, abans impòstes prelevats a la sorga).

Mission principala :

En tant que referent(a) deu Gropament dens aqueth domèni, l'agent serà principalement cargat de desvolopar la part « ensenhament » de las missions de l'Ofici public de la lengue occitana, mei particularament sus las academias de Montpelhièr e Tolosa.



22, bd du Maréchal-Juin
31406 Toulouse cedex 9
05 82 60 02 80



Activitats professionalas :

L'agent es principalement cargat de desvolopar la part « ensenhament » e hèi un ròtle d'ajuda a la decision auprès deus administrators e de l'Amassada generala deu Gropament. Dens aqueth encastre, l'agent contribuís notadament :

- Pilotatge de l'estrategia interacademica sus l'ensenhament
 - Mesa en òbra de la convencion quadre interacademica e de las seunas instàncias de pilotatge, i comprés sus las foncions d'evaluacion e de desvolopament ;
 - Coordinacion e velha interacademica sus l'evolucion reglamentària de l'ensenhament de l'occitan.
- Participacion au co-pilotatge de las accions d'ensenhament de las academias de Montpelhièr e Tolosa dens l'encastre de las convencions academicas ;
- Elaboracion e gestion deus dispositius d'acompanhament de l'ensenhament de l'occitan :

- Pilotatge deus dispositius d'acompanhament de l'ensenhament gerit per l'OPLO (Borsas *Ensenhar*, sensibilizacion deus liceans...) en region Occitània ;

- Instruccion deus dorsèirs de demanda de subvencion deus operators qu'òbran per l'ensenhament (Calandreta, Cap'Òc...) atau com la formacion aus adultes (d'interés personau e professionau) deus operators de la Region Occitània.

- Mèsa en plaça d'accions educativas a l'escala europeenca ;

- Participacion a l'espandiment de l'estrategia territoriala de l'Ofici auprès de comunas cibladadas de la region Occitània.
- Autas activitats, damb l'empara de l'encargat.ada de mission comunicacion deu siti de Bordèu :

- Definicion deus contienuts dedicats a la creacion d'utís de comunicacion relatiu a l'ensenhament de l'occitan.

- Damb l'encargat.ada de mission evaluacion e desvolopament territorialu deu siti de Tolosa :

- Constitucion e seguit de dorsèirs de recerca de finançaments nacionaus ou europeencs ;

- Collecta de donadas quantitativas permetent d'alimentar l'observatòri de l'OPLO.

Relacions ierarquicas e fonccionalas :

L'agent es plaçat devath l'autoritat deu Director de l'OPLO (antèna Occitània). Aurà relacions fonccionalas damb las administracions de l'Estat (notadament damb la DGESCO deu ministèri de l'educacion nacionala e damb los servicis rectoraus de las academias de Montpelhièr e Tolosa).



22, bd du Maréchal-Juin
31406 Toulouse cedex 9

05 82 60 02 80

Perfiu e competéncias

De formacion universitària superiora (bac + 3), completada de realas qualitats d'organizacion, de gestion de projèctes e de capacitats de sintèsi e de prepausicions estrategicas, avètz una bona coneissença deu foncionament de l'Educacion nacionala e de sas prerogativas en matèria d'accion d'ensenhament de l'occitan. Vòstas qualitats relacionals, indispensables per aqueth pòste, s'acompanhan d'una experiéncia confirmada dens la desmarcha de conduita de projèctes. Sètz disponible/a pr'aus desplaçaments necessaris dens lo quadre de vòsta mission, damb un luòc de trabalh a Bordèu. Avètz de competéncias en lenga occitana o vos engatjats a obtièner lo nivèu B2 deu quadre europèu comun de referéncia per las lengas e una bona coneissença de sa cultura.

Las vòstas competéncias plurilinguas seràn apreciadas, especialuament en catalan, espanhòu, o mei italian.

Despau de las candidaturas:

Lo depaus de las candidaturas es dubert dinc au **diluns 20 de julhet de 2020 12h**, per voie desmaterializada a l'adreïça electronica : contact@ofici-occitan.eu.

La jurada s'amassarà lo dijòus 23 de julhet de 2020 a Tolosa.

Lo dorsèir de candidatura compren :

- [Un curriculum vitae](#) ;
- [Una letra de motivacion en francés o bilingue francés/occitan.](#)

Prèsa de foncion esperada a començar de seteme de 2020.

